

Der.IX. Titel des ersten Tractats

Bewysung vff geschehne ströning.

¶ Welcher vff ein geschehne ströning sin schuld bewysen wil/der sol solichs durch zwen gloubwürdig zügen/durch des schuldnern hantschaffe oder bekennen/oder durch ander gloubwürdig Brieff/sigel vnd bücher alles wie obstat bewisen vñ darthün/es wer dan das die richtere oder wir mit erkantnuß anders züliesen.

Der kuntschafft steller mag nit wider die person aber wider die sag der zügen sechten.

¶ Wir setzen vnd ordne welcher zügen stelt/das der wider ire personen nit inred haben/aber wider ir sag inred zü thün/ist in nit abgeschlagen.

Das sich nit gepüre kuntschafft wider kuntschaffe zü stellen.

¶ Vnd wiewol nach eroffnung der kuntschafft/kein zügen me gebüt werden/so sol das nit statt habē/so einer wider die zügen ir personē oder sagen halb inred hett/vnd die verwerffen wolt/das mag er thün/vnd ist dem gegenteil solichs hünwider ouch erloubt/wyter sol es nit zü gelassen werden.